

公食大夫

地

廿二

漢書門類			
一六〇冊	一〇六函	一一五三八號	

內閣文庫	
七四函	二五三八
一六〇冊	七
架	冊
號	類

內閣文庫	
番號	漢 11538
冊數	160 (132)
函號	274 72



欽定儀禮義疏卷第二十

公食大夫禮第九之二

宰夫授公飯梁公設之於清西賓北面辭坐遷

之

之

正義鄭氏康成曰既告具矣而又設此加也遷之遷而

西之以其東上也

賈疏下宰夫膳稻于梁西是以梁在東為上

敖氏繼公

曰梁言飯者以賓主食之也北面辭蓋於公之左而少  
退上云北面坐遷與此文互見也  
郝氏敬曰梁穀之



大者。即今高粱。炊以爲飯。

**案** 鼎設清時。席前最北近席者惟有醬。以醬爲節。故曰醬西。此時已設清。以清爲節。則又在清西。此蓋於間容人之處爲西。而已屬設加饌之部分矣。但視賓遷處爲少東。賓西遷之。與正饌之遷。醬相變也。前公設醬設清。惟曰賓辭。不言北面。至此乃見之。又案生民詩。維糜維芑。爾雅釋草云。藿赤苗。芑白苗。郭璞注云。藿今之赤梁粟。芑今之白梁粟。皆好穀。周官九穀六穀。康成俱以

梁備數。而小雅甫田詩。以黍稷稻粱並言。與此禮所用符合。是則梁爲穀之美者也。今遼人以高粱爲上飯。則郝氏所言不繆與。

### 公與賓皆復初位。

**正義** 鄭氏康成曰。位。序內階西。賈疏。上設醬時。公立于序內。賓立于階西。

### 宰夫膳稻于梁西。

**正義** 鄭氏康成曰。進稻粱者以簠。賈疏。下記云。簠有蓋。幕。 賈氏

公彥曰。上設黍稷訖。云卻會。此稻粱不云卻會者。先於

房去之也。

**膳**鄭氏康成曰膳猶進也。

**膳**敖氏繼公曰膳當作設字之誤。膳設聲相近。由是

誤云。

士羞庶羞皆有大蓋執豆如宰。

大如字

**正義**鄭氏康成曰羞進也。庶衆也。進衆珍味可進者也。

大以肥美者特為鬻。所以祭也。魚或謂之膾。膾大也。唯

醢醬無大。

敖氏繼公曰以經云皆故言此以明之。醢四醢醬芥醬也。

如宰如其進大

羹滂。右執豆。左執蓋。郝氏敬曰庶羞之有大鬻。如脯

之有橫臈也。

**案**庶羞自門外入。則不升于鼎可知。俎與庶羞皆士設

之。以其自堂下來。與饌于東房者異也。取諸門外。以其

加也。且容鼎入後。乃於爨為之。

先者反之。

**正義**敖氏繼公曰先者。即執腳豆者也。既設腳豆。則以

次受其餘於西階上而設之。反者。既往而復來之辭。

賈氏公彥曰。反之者。以庶羞十六豆。羞人不足。故先至者反取之。下文云。先者一人。升設於稻南。其人不反。則此云先者反之。謂第二以下為先者也。

**案**疏指階下之騰羞者言。敖氏則指堂上之設羞者言。據下先者一人之文。則敖說為密。然階下之騰羞者亦必反之。是二說相兼。而經義始備也。

### 由門入升自西階。

**正義**敖氏繼公曰。由門入。則三牲與魚亦於門外饗爨

為之與。

### 先者一人。升設于稻南。簋西。閒容人。

**正義**鄭氏康成曰。簋西。黍稷西也。必言稻南者。明庶羞

加。不與正豆併也。賈疏。稻與庶羞俱是加。故南北相繼。不與正豆併。閒容人者。

賓當從閒往來也。賈疏。下文賓左擁簋梁。右執清以降。又云升反奠于其所。是賓往來也。

敖氏繼公曰。先者一人。士之長設腳者也。稻南言其東西節也。簋西言其南北節也。閒。諸簋之西。庶羞之東也。

金定傳禮記正義卷二  
四  
止豆繼醬而東。此亦豆也。不繼稻而西。而在稻南者。與正豆相變。且稻梁之南空。設于其南。乃得左右相稱也。不曰梁南者。以庶羞西北上。則腳豆北直於稻。不直於梁也。饒與牛炙。乃北直梁矣。鉶西。亦稻南也。以賓用庶羞時。食會飯。則是庶羞宜與簋爲列。故不於鉶西。而於簋西也。然惟言簋西。則嫌於繼簋而西。故又曰閒容人。明其與簋爲列。特東西遙對耳。非繼之也。

### 旁四列西北上。

鄭氏康成曰。不統於正饌者。雖加自是一禮。是所謂羹載中別。賈氏公彥曰。曲禮云。左殽右載。殽骨體也。爲正饌。載爲切肉。則庶羞與此正饌在東。庶羞在西。閒容人同。敖氏繼公曰。云旁者。見正饌之中席。而此在旁也。下文云。賓坐席末。取梁卽稻。而庶羞在稻南。足以明之矣。西北上。謂腳豆在諸豆之西北也。必西北上者。故正豆之位。亦變於席之所上也。

案不徒曰西上。而曰西北上。與上設簋之言東北上者。

同。見其亦南陳也。羹。裁中別。弟子職文。敖氏謂正饌中席。而加席在旁。稍與疏異。疑敖得之。

臠。以東臠。臠。牛炙。炙。南醢。以西牛。裁。醢。牛。鮓。鮓。南羊炙。以東羊。裁。醢。豕炙。炙。南醢。以西豕。裁。芥

醬。魚膾。臠音香。臠許云反。臠許堯反。炙之釋反。又章夜反。裁側吏反。鮓巨之反。注古文。臠作香。臠作薰。

今文鮓作鮓

**正義**鄭氏康成曰。臠。臠。臠。今時臠也。牛曰臠。羊曰臠。豕曰臠。皆香美之名也。先設醢。絳之。次也。裁。切肉也。內

則謂鮓為膾。然則膾用鮓。芥醬。芥實醬也。內則。膾。春用葱。秋用芥。敖氏繼公曰。炙。炙肉也。首。二醢。為牛之炙。裁。鮓設也。又一醢。為羊炙。羊。裁設也。又一醢。為豕炙。豕。裁設也。芥醬。為魚膾設也。牛。三品。二醢。尊也。羊。二品。一醢。降於牛也。豕。亦二品。一醢。而醢次於炙。又異於羊也。魚。一而已。其芥醬復先於膾。又異於豕也。古人於食物之微。亦以多寡先後示尊卑之義。其精微周密之意。可見矣。

金定儀禮正義 卷二  
賈氏公彥曰。凡醢配。而卑於胾。今牛羊豕。皆在醢下。直是淨之次。非尊卑之列。特牲一醢。不得淨。少牢兩醢。故淨與此同。

設豆之法。皆淨。醢皆卑於他物。正豆一菹一醢。相閒。故淨而醢仍在菹下也。庶羞品多。故以一醢從牛炙。而一醢居牛胾牛鮓之閒。一醢居豕炙豕胾之閒。唯芥醬在魚膾之上。蓋縱橫四列而設之。則又欲使四醢與芥醬各相閒而成文也。若執一胾以求之。則窒矣。

衆人騰羞者。盡階不升堂。授以蓋降出。

鄭氏康成曰。授。授先者一人。庶羞多。羞人不足。則相授於階上。復出取也。敖氏繼公曰。進羞而言騰。亦取其自下而上之意。衆人不升設者。降於俎也。以羞授先者一人。先者每爲設之。所謂先者反之也。以蓋降出。惟謂衆人。其先者之蓋。則次者既授豆而受之。并以出矣。

一人設。而衆人不升堂。或羞人不足。固已。即使人多。



而雜沓于堂上。非所以為肅敬也。故變於設俎之法焉。亦所謂堂事交乎階也。以蓋降出。則授豆而不併授。以蓋亦如宰之授滂。而不併授以蓋也。簋會與簋同設。已乃卻之者。以為正飯也。簋會不與簋同設。先於房去之者。以加飯變也。滂蓋羞蓋不於饗去之者。以由門入。為風塵也。然盡階即去之。不以升堂。則又殊之於飯也。

**存疑** 鄭氏康成曰。騰當作勝。勝送也。

**辨正** 郝氏敬曰。騰升也。眾人盡階授於先者。故謂之騰。

**燕禮勝解** 注云。今文勝皆作騰。敖氏因改勝為騰。蓋據據此騰羞之文而然也。此經騰羞。注云。騰當作勝。蓋據彼勝解之文而然也。然燕之解。勝者自奠之。以其奠於公也。故不曰送而曰勝。詞之異也。若此之羞。則騰者授之。先者設之。接踵而來。自下而上。故謂之騰。氣之奮也。皆當以本文為正。無庸改易。

### 右設加饌

**國** 加饌以梁為先設。其次則稻由房出。而羞自階

升與正饌之上下閒設者同法。又案正饌之列。其在東之東者。以西為上。豆與俎是也。其在東之西者。以東為上。簋與鉶是也。加饌之列。其在西之北者。以東為上。梁與稻是也。其在西之南者。以西為上。庶羞是也。一陳饌之間。亦必相變如此。

替者負東房告備于公。

**正義** 鄭氏康成曰。復告庶羞具者。以其異饌。敖氏繼公曰。此言備者。備周於具。

贊升賓賓坐席末取梁即稻祭于醬清間。

**正義** 鄭氏康成曰。命賓升席。賈氏公彥曰。前告具。公再拜揖食。此贊升賓者。禮殺也。敖氏繼公曰。公擯者已再拜揖食。故於此惟贊者。升賓禮不可褻也。升賓之辭。蓋曰。吾子其升也。坐席末者。就加饌也。取梁即稻。言不反梁於左手也。不祭于豆而祭于醬清間者。以其近也。且別於正饌。

**案** 坐席末。以其近於稻梁。取之便也。取梁即稻。則右手

先取稻。左手取梁以并之。公所親設者。二醬清不祭。所祭者梁耳。祭公所設之梁。於公所設之醬清之間。不敢槩於豆祭。亦所以見尊公所設之意也。

**存**鄭氏康成曰。祭稻梁不於豆祭。祭加宜於加。

**案**醬清。非加也。鄭氏欲與正饌別言之。而不覺其辭之

誤耳。

贊者北面坐。辯取庶羞之大興。一以授賓。賓受。兼壹祭之。

**一**敖氏繼公曰。一。壹同。贊者壹以授賓。賓兼壹祭之。

禮之節當然也。賓於黍稷牲肺。皆壹祭之。特於此發之耳。祭不言其所。亦於醬清間可知。

**存**鄭氏康成曰。壹壹授之。而兼壹祭之。庶羞輕也。祭

之於腳臚之間。以異饌也。賈疏。祭加宜於加也。

**案**賓自取之而祭者。其近於席者也。贊者取以授賓而祭者。其遠於席者也。賓之祭饌者六。其親取以祭者三。為贊所授以祭者亦三。然於豆則辯取之。而後擣。擣而

後祭於鉶則既扱而擣之辯。辯而後祭於簋則取梁以  
即稻而後祭。是皆兼壹而祭也。贊所扱者則於簋曰取  
辯與以扱賓。而賓祭之。於俎曰辯取與以扱賓。而賓祭  
之。於羞亦曰辯取與以扱賓。而賓兼壹祭之。是贊皆壹  
扱。而賓皆兼壹而祭也。注於俎謂賓每肺與受而祭。是  
以贊為非壹扱。賓亦非壹祭也。於羞謂壹壹扱之。而兼  
壹祭之。是以贊為非壹扱。惟賓為壹祭也。似皆不合於  
經。祭于腳臚之間。亦以其為加之上豆。故意其


是上文祭加宜於加之說也。蒙梁稻而言。則敖氏謂清  
醬間者近之。正饌祭于豆閒。加饌祭于清醬閒。亦足以  
別矣。且坐雖席末。而所祭必於其正也。

### 右賓祭加饌

賓降拜。公辭。賓升再拜稽首。公答再拜。

**正義** 敖氏繼公曰。拜者為將食故也。

**案** 設饌之始。禮由主人。故公先拜。饌備之後。禮當由賓。  
故賓先拜。



賓北面自閒坐。左擁簋梁。右執清。以降。

**正義** 鄭氏康成曰。自閒。由兩饌之間。擁抱也。必取梁者。公所設也。以之降者。堂尊處。欲食於階下然也。敖氏繼公曰。擁之者。示其重也。云簋梁。見其器也。凡梁稻皆以簋。必取清者。飯則先啜清。故特取之。以降者。為公立于堂。已不敢坐食于席也。必以降者。臣也。郝氏敬曰。梁加饌。清正饌。兼取之也。

**案** 公所親設者三。首擁梁者。食禮主於飯也。兼執清者。飯梁宜啜清也。執清而舍醬者。左右各一器。不可以兼及也。擁之以臂。抱之而著於膺旁也。於君擁之。於大夫執之差之宜也。

公辭。賓西面坐。奠于階西。東面對。西面坐取之。栗階升北面。反奠于其所。

**正義** 敖氏繼公曰。公辭。止其食於下也。階西。賓所欲食之處也。故於此奠之。對者。釋其所以降之意。且從命也。鄭氏康成曰。奠而後對。成其意也。  
賈疏。成其降食階下之意。故奠乃對。

此決下文大夫相食。賓執梁與清之西序端。主人辭。賓反之而不奠也。

公辭者。欲其食於尊處。公意愈重也。前公降一等而

賓升。公揖退于箱。

鄭氏康成曰。降辭公。敬也。必辭公者。為其尊而親臨已食。待食贊者之事。箱。東夾之前。俟事之處。敖氏繼公曰。公不許其降食。乃敢辭公。為禮之節然也。辭公之意。與曷者欲食於下之意同。降而辭公。亦以其臣也。

郝氏敬曰。箱。廂通。暫退東廂。俟賓食也。

辭公。欲公即安于他所。而不臨已食也。燕禮公有席。此禮無阼席。故辭公而後食。公退于箱。蓋西鄉立。欲知賓之動止食候。故不入堂深也。

賈氏公彥曰。案爾雅。有東西廂曰廟。其夾皆在序

外。

爾雅云。室有東西廂曰廟。無東西廂有室曰寢。郭璞注云。廂。夾室前堂。與此注所謂東夾之前者合。然攷古

人室堂之制。東西序之外。皆有屋一間。其北爲室。卽東西夾室也。繼夾而南爲堂。卽東堂西堂也。堂之南畔。楣以外近檐處。謂之箱。箱亦堂也。其堂下則爲東堂下西堂下。若寢果無夾室前堂。則亦不應有東堂下西堂下。乃燕禮之小臣師。立于東堂下。士喪禮之小斂奠饌于東堂下。二禮皆行于寢。是諸侯與士之寢。皆有夾室前堂矣。或曰。爾雅所云無東西廂有室曰寢者。謂其北雖仍有夾室。而繼夾而南。則南檐稍淺。故但有東西堂。而無箱。或曰。爾雅所云寢者。指廟後之寢。不謂諸侯之路寢與大夫士之正寢。若路寢正寢。蓋亦有東西廂如廟也。二說未知孰是。姑附論之以俟知者。或云。箱在堂下東西別爲之。如箱然。此大繆也。此禮。公之退于箱。進于堂。皆無升降之文。則不在堂下明矣。若堂下兩旁別有屋。則盥洗獻酬升降之間。隨地窒礙矣。而可乎。

退者退負東塾而立。

鄭氏康成曰。無事。

擯。謂上擯退者。自阼階下退而南也。公既退。故擯亦退。負東塾。立於承擯之東。

賓坐。遂卷加席。公不辭。卷儿阮反下同

鄭氏康成曰。贊者以告公。公聽之。賈疏。公既在序外。不告何以知之。明贊者告公。

敖氏繼公曰。卷加席者。北面坐而卷自席末也。公不辭。以其降等也。若於朝君。則辭而賓反之。郝

氏敬曰。卷加席。不敢居隆禮也。  
大射儀。賓有加席不辭者。以公亦有加席也。此無阼

席。故賓卷之。鄉飲酒禮。尊者辭一席。使一人去之。此不

使人去之者。公不在堂也。然則賓既卷。其亦自委於席

端與。

賓三飯以清醬。飯父晚反

鄭氏康成曰。歡清搗醬。賈疏。清言歡。淡也。醬言搗。鹹也。食正饌也。

三飯而止。君子食不求飽。

案是時賓所飯者為梁稻。是公所親設者。賓於初食皆用之。重公所設也。



**鄭氏康成**曰。不言其殺。優賓。賈疏。特性。少年尸食。時。舉殺皆言次第。此

不言者。任賓取之也。賈氏公彥曰。曲禮云。三飯。主人延客食哉。

然後辯殺。注云。先食哉。後食殺。殺尊。此先食殺者。彼大

夫士與客燕食之法。此為禮食。故先食殺。

**經**但云以清醬而已。無食殺之文。鄭以意億之耳。賈

氏因又有食殺。食哉。或先或後之云。尤為蛇足。賓三飯

而遂已。以公侯于箱。欲速成禮。不欲久留公也。所以牲

體皆不舉與。曲禮。主人親延客食。則與此禮迥異。無庸

以之相較。

宰夫執觶漿飲與其豐以進。賓執手興受。宰夫設其豐于稻西。

**鄭氏康成**曰。此進漱也。非為卒食。為將有事。緣賓

意欲自潔清。興受。受觶也。酒在東。醬在西。是所謂左酒

右漿。敖氏繼公曰。左酒。右漿。弟子職文。賈氏公彥曰。曲禮云。酒漿處

右。此言若酒若漿耳。兩有之。則左酒右漿。敖氏繼公

曰。漿觶亦先加於豐上。如飲酒可知。

庭實設賓坐祭遂飲奠于豐上。

鄭氏康成曰庭實乘皮飲漱也。敖氏繼公曰此

與下文行禮之節亦略與聘禮醴賓者同祭漿亦於醬清間。

宰夫設豐之後賓遂坐祭而飲矣而先言庭實設者著有司設庭實之節也玉藻云水漿不祭若祭為已俶卑而此乃祭漿者臣禮也故彼注云臣於君則祭之而疏亦引此為證。

### 右賓食

公受宰夫束帛以侑西鄉立賓降筵北面。

鄭氏康成曰侑猶勸也主國君以為食賓殷勤之

意未至復發幣以勸之欲用深安賓也西鄉立序內位也受束帛于序端

賈疏聘禮公受几于序端故每公所受皆約之受于序端賓降筵

以君將有命也北面於西階上敖氏繼公曰是時公受束帛蓋於東箱醴時公在堂則受于序端也侑者食賓而從之以貨財之稱勸人食亦曰侑劉氏敞曰侑

以束帛。雖備物。猶欲其加厚之也。

**案**賓既飲。則贊者以告。而公出自箱矣。於是宰夫授公束帛。而公受之。蓋飲者食畢之事。賓而飲。將有告退之心矣。故以是為侑幣之節。

擯者進相幣。賓降辭幣。升聽命。降拜。公辭。賓升

再拜稽首。

相息亮反

**正義**鄭氏康成曰。擯者進相幣。為君釋幣辭於賓。賓降

辭幣。主國君又命之。

賈疏。約聘禮禮賓。賓降辭幣。公降一等。辭栗階升聽命。

升聽

命。釋許辭。降拜。當拜受幣。敖氏繼公曰。辭幣者。謂既

受賜食。不宜又辱賜幣也。公於是降一等。止其降。且不

許其辭。賓即栗階升聽命也。經似有脫文。

**案**上擯自東。塾復立於阼階下。故曰進也。此與聘禮禮

賓大槩相同。

受幣當東楹北面退。西楹西東面立。

**正義**鄭氏康成曰。主國君南面授之。當東楹者。欲待君

行一臣行二也。退。俟主國君送幣也。退。不負序。以將降。

賈疏。聘禮。賓三退負序。以執圭將進授之。此為公拜送幣。故在楹西。賓在階西。不負序。以將降故也。敖氏繼公曰。西楹西。亦少北也。

**賓北面受**。故注知公南面授也。以其為訝受故也。

**公再拜**。賓降也。公再拜。

**鄭氏康成**曰。賓不敢俟成拜。

**介逆出**。賓北面揖。執庭實以出。公降立。上介受

**實幣**。從者訝受皮。訝吾駕反。注。今文曰梧受。

**鄭氏康成**曰。介出。以賓事畢。賓揖執者。示親也。

**降立俟賓反**。敖氏繼公曰。北面揖之者。象親受之也。

凡庭實並受。公降立。亦立于中庭。郝氏敬曰。介逆出。

先賓出也。介在門西北面西上。近門者先出。故曰逆也。

上介受賓幣。受于門外也。從者訝受皮。謂君有司執皮。

送于門外。賓從者迎受之也。

**聘禮**。禮賓之庭實以馬。馬可一手牽之。故曰賓執左

馬。以出既執幣。又執左馬。故不揖牽馬者。此禮庭實以

皮。皮不可一手張之。賓既執幣。不可以兼執皮。故揖執

皮者以出也。庭實或以皮或以馬。其受者皆可以是以推之。

**存疑**鄭氏康成曰。從者。府史之屬。訝。迎也。賈氏公彥

曰。此子男小聘。大夫士介一人而已。介已受賓幣。故知訝受者府史之屬也。

**案**聘禮云。小聘曰問。其禮如為介。三介。則小聘之賓有

三介矣。前即位時云介西上。此云介逆出。又云上介。明介非一人。則介皆士也。從者訝受皮。猶醴賓之從者訝

受馬也。於此著訝受者。明介受賓幣之為並受也。從者

已見聘禮

### 右侑幣。

**總論**敖氏繼公曰。此一節經文有不釋者。已見於

聘禮醴賓章。

### 賓入門左。沒雷。北面再拜稽首。

**正義**敖氏繼公曰。雷。門內雷也。沒雷。庭南也。拜者。謝侑

幣之賜也。沒雷而拜。以公立於中庭也。

**鄭氏康成曰**便退則食禮未卒不退則嫌更入行拜若欲從此退賈疏此注深解賓意食禮自有常法便退則食禮未卒解賓入之意不退則有貧食之嫌解再拜稽首將辭之意

**鄭氏**者公侑幣時賓聽命已再拜稽首矣及受幣而降公則為之再拜此拜為送幣也公既拜賓當亟答之猶燕飲之禮拜送爵亦當拜受爵也賓降疾趨而南至參分庭一在南庭實所設之處乃旋身北面以揖執庭實者而公已立于中庭賓疾趨而出授幣于介疾趨入亟

於答公之拜也答公之拜所以謝侑幣也沒霽即拜固以公之立于中庭亦當留三揖地也賓於受幣後無竟退之理則無入而不拜之理

### 公辭揖讓如初升賓再拜稽首公答再拜

**正義**鄭氏康成曰辭止其拜如初如初入也賓升介入

復位賈疏上云介逆出下更云介逆出明中間復入可知敖氏繼公曰辭辭其

拜於庭也時公在中庭與賓三揖則是與聘禮者同矣云如初亦大略之言也賓再拜稽首鄉賓拜賜于庭南



公辭之。故成拜於此。

**案**公先在中庭。則不得與賓分庭而揖矣。聘禮敖氏云。於賓入門左而揖。參分庭一在南而揖。又偕行至於參分庭一在北而揖。是三揖也。賓至西方之中庭。公乃與之偕行。此揖讓亦如之。

### 右賓拜侑幣

賓降。辭公如初。賓升。公揖退于箱。

**正義**鄭氏康成曰。賓辭公將復食。郝氏敬曰。辭公辭。

其臨視也。敖氏繼公曰。如初。謂公許也。

賓卒食會飯。三飲。不以醬滫。

食飯皆如字

**正義**鄭氏康成曰。會飯。謂黍稷也。賈疏。上文宰夫坐啟

云會飯。故知會飯是黍稷。則初時食稻梁。不言會以簋盛

稻梁。三飲。已食會飲。三漱漿也。不以醬滫。不復用正饌

也。初時食加飯用正饌。此食正飯用庶羞。互相成也。

敖氏繼公曰。鄉者三飯乃飲。此凡三飲。蓋九飯也。九飯。

大夫禮也。後禮更端。故與前三飯不相蒙。食加飯而飲。

漿則此所飲者。其酒與。不以醬清。亦變於初禮也。先言醬者。不用之。故惟據所設之序而言。

**有疑** 敖氏繼公曰。減簋飯於會而食之。故云會飯。

**案** 古人飯以手。每食一口謂之一飯。則食會飯者。直取諸簋可也。不必減諸會而後食之。但他時或但食黍。此則每飯皆兼黍稷食之。而二者初設時皆有會。故云會飯耳。三飲注以為漿。敖氏以為酒。則敖氏近之。禮尚相變。加飯飲漿。則正飯宜飲酒也。不然。則酒飲為虛設矣。

不以醬清。初三飯用之。則此不用亦相變之意也。此禮無侑之者。賓雖九飯成禮。而公俟于箱。若緩食而待侑。非所以為敬也。賓禮當如是。故公亦不使人侑之。又案秋官司儀職。言食禮舉數。上公九。侯伯七。子男五。以差言之。則大夫當三舉。此不言舉。未詳。

**西。** 扱手。與北面坐。取梁與醬。以降西面坐。齋于階。

**正義** 鄭氏康成曰。示親徹也。敖氏繼公曰。再食不用。



梁與醬乃取以降者。重公所設也。公於正饌先設醬於加饌先設梁。故賓親徹此二者。階西。鼎者所欲食之處也。劉氏敞曰。賓必親徹。有報之道也。

**案**前賓降時取清。此別取醬者。公所親設。西一器而東二器。賓降止可左右各取一器。故此舍清而取其所未嘗取之醬也。此時君當出自東箱。復立於序內之位。

**通論**孔氏穎達曰。玉藻云。君既徹。執飯與醬。乃出授從者。此謂君不客者。若君與已禮食。則但親徹之。不授從者。此禮賓取梁與醬坐奠于階西是也。

### 東面再拜稽首

**正義**鄭氏康成曰。卒食拜也。敖氏繼公曰。卒食而拜賜也。亦拜於階西。不於階東。又不北面。皆變於初。明其將遂退矣。

**正義**鄭氏康成曰。不北面者。異於辭。賈氏公彥曰。上文賓受侑幣出。更入門左。沒霤北面再拜稽首。其時辭欲退。以其待公留。故北面。此卒食禮終。故東面。

**案**上文賓拜皆北面。非獨門左沒雷之拜為然也。大抵賓之拜。皆向君而拜。前之北面拜。以君在堂也。門左沒雷之北面拜。以君在中庭也。此時賓以將出而降。君從之降。則君在東方而西面矣。故賓獨東面拜。下文云公降是也。注疏恐非經意。

### 公降再拜。

**正義**敖氏繼公曰。公拜亦西面于阼階下。鄭氏康成

曰。答之也。不辭之使升堂。禮有終。

**案**賓降將出。故公亦從而降也。公既降。則自無使賓更升成拜之事矣。

### 右卒食

### 介逆出。賓出。公送于大門內。再拜。賓不顧。

**正義**鄭氏康成曰。初來揖讓。而退不顧。退。禮略也。亦難

進易退之義。擯者以賓不顧告公。公乃還。賈疏。公還入寢。敖

氏繼公曰。於此復云賓不顧。嫌其或與聘問之時異也。

**案**春官。鎛師職。凡祭祀。鼓其金。奏之樂。饗食。賓射亦如

之。此禮無金奏之文。豈以公食大夫禮輕。故略之。若兩君相食。或當有之。與門內迎之。故亦門內送之。皆所以辟君之禮也。賓不顧。亦上擯送賓出。而以復于公。

### 右賓出

有司卷三牲之俎。歸于賓館。

**正義** 鄭氏康成曰。卷猶收也。無遺之辭也。三牲之俎。正饌尤尊。盡以歸賓。尊之至也。

敖氏繼公曰。云卷者。明盡以其俎與其實歸之。此牲體皆在俎。則食時不舉之

明矣。少牢特牲禮。尸所舉者。加于所士。虞禮則實于筐。

司儀職言食禮舉數。上公九。侯伯七。子男五。以差言之。

則大夫當三也。此乃不舉。其亦與周官異者乎。

**正義** 鄭氏康成曰。歸俎者。實於筐。

**正義** 賈疏。此禮無所俎。士牲體皆盛於筐。吉凶雖不同。無所俎是一。故知同用筐。

他時有所釋。故。賈疏。特牲歸於。釋。此。是有所。所釋。故。稱。卷。也。

**正義** 特牲少牢有所俎者。祭禮也。此無所俎者。賓禮也。士

虞亦無所俎者。喪祭非吉。故盛於筐也。凡鄉飲射燕禮

大射之俎。賓皆以出。則此之歸俎。亦當以俎歸之。如敖氏之說。未必改實於他器。而後以歸也。

**魚腊不與。**

與音預。注古文與作豫。

**鄭氏康成曰。**不言腸胃膚者。在魚腊下。不與可知也。

**魚腊為賓所不祭者。**故不與。此但以俎實言之。若豆。鉶。庶羞。則不與。不必言矣。

右歸賓俎

明日。賓朝服。拜賜于朝。拜食與侑幣。皆再拜稽

首。

食音嗣。

**鄭氏康成曰。**朝。謂大門外。

賈氏公彥曰。聘禮歸

饗餼。直言拜饗與餼。不拜束帛。彼使人致之。故不拜。此

君親賜。故拜之。

敖氏繼公曰。歸於既食。既受幣。皆

已親拜謝。今復拜賜者。正禮不可廢也。此拜公不見。故

無嫌於重複。

**歸饗之拜。**賜皮弁。而此朝服者。疏謂朝服受還朝服。

拜。皮弁受。亦皮弁拜。是也。食于廟而拜賜于朝者。於時公在朝不在廟也。

誦聽之。

**正義** 鄭氏康成曰。受其言。入告出報也。此下大夫有士

誦。賈疏。周官掌誦。大夫有士誦。

右賓拜賜

上大夫八豆八簋六鉶九俎魚腊菹一俎

**正義** 鄭氏康成曰。記公食上大夫異於下大夫之數。

敖氏繼公曰。豆加茆菹麋麇。簋加黍稷各一。鉶加羊豕。俎加鮮魚鮮獸於膚之下。如饗九鼎之次云。九俎則四四為列。而特鮮獸。

**正義** 鄭氏康成曰。豆加葵菹蠃醢。四四為列。賈疏。醢人

云。韭菹醢醢。昌本麋麇。菁菹鹿麇。茆菹麋麇。上云六豆。用鹿麇以上。仍有茆菹麋麇在。今八豆。不取茆菹麋麇。而取饋食之豆。葵菹蠃醢。俎加鮮魚鮮腊。三三為列。無者。注以特性。少牢參之。

特。賈疏。陳饌要方。上七俎。兩行六。一俎特於俎。東。此九俎為三行。故無特。雖無特。膚亦為下。

**正義** 上大夫如聘禮之正賓是也。故食之之禮亦略如歸

饗於賓之數。九俎者。如其西階前之飪鼎九也。八豆八簋六鉶。如其堂上戶西之所饌者也。豆實與陳俎之法。俱當以敖氏為正。蓋朝事之豆。無庸意為增損。而設俎之法。未有無特者也。八豆之次。當曰菹菹。以東醢醢。昌本麋鸚。麋鸚南菁菹。以西鹿鸚。菹菹麋鸚。九俎之次。當曰牛羊豕魚腊。在牛南。腸胃膚鮮魚亞之。鮮腊為特。八簋之次。當曰黍當牛俎。其西稷。稷南黍。其東稷。稷南黍。其西稷。稷南黍。其東稷。六鉶之次。當曰牛。以西羊。羊豕豕。豕南牛。牛東羊。羊東豕。

魚腸胃倫膚。若九若十有一。下大夫則若七若九。

**正義**

鄭氏康成曰。此以命數為差也。九。謂再命者也。十。

一。謂三命者也。七。謂一命者也。九。或上或下者。再命。謂小國之卿。次國之大夫也。卿則曰上。大夫則曰下。大國之孤視子男。賈氏公彥曰。春官典命。公侯伯之卿三命。大夫再命。士一命。子男之卿再命。大夫一命。士不命。

則諸侯之臣分爲三等。三命再命一命不命。與一命同。此經魚腸胃倫膚亦分爲三等。有十一。有九。有七。則十一當三命。九當再命。七當一命。若然。惟有上下二文者。以公侯伯之大夫。與子男之卿同再命。卿爵尊爲上。大夫爵卑爲下。則上言若九者。子男之卿也。下言若九者。公侯伯之大夫也。故鄭云卿則曰上。大夫則曰下。云大國之孤視子男者。此經惟見三命以下。故鄭併論及之。案典命。大國之孤四命。又大行人云。大國之孤。執皮帛。以繼子男。又云。其他皆視小國之君。若然。孤與子男同。十三。侯伯十五。上公十七。差次可知。敖氏繼公曰。其俎數之同者。又以此見尊卑也。因言上大夫以及下大夫。蓋以足前禮未備之意。郝氏敬曰。此三者之俎所載數也。

**案**注疏所論。蓋謂子男之卿。雖八豆八簋六鉶九俎。與公侯伯之卿同。然其魚腸胃倫膚三俎。惟用九數。不得用十有一數。所謂若九也。若公侯伯之卿。則用十有一

數不止九數。所謂若十有一也。子男之大夫雖六豆六簋四鉶七俎。與公侯伯之大夫同。然其魚腸胃倫膚三俎。惟用七數。不得用九數。所謂若七也。若公侯伯之大夫。則用九數。不止七數。所謂若九也。就其同之中。又有少異者。以明其等焉。

**存疑** 陳氏祥道曰。此禮一命魚七。再命九。三命十一。惟天子諸侯魚數不見經。先儒謂諸侯十有三。天子十有五。理或然也。

**案** 陳氏所述。即昏禮疏之說也。所推諸侯魚數。與此疏所謂孤與子男同十三。侯伯十五。上公十七者異。據此經。則生人魚數。蓋以命數為差者也。若然。則此疏所推為近。而天子之魚。其數當不止於十五矣。

庶羞西東。毋過四列。

注古文  
毋為無

**正義** 鄭氏康成曰。謂上下大夫也。賈氏公彥曰。下大

夫東西四行。南北亦四行。上大。夫東西四行。南北五行。敖氏繼公曰。欲闡容人也。擲當稻南。若過四列。則近



於簋矣。西東西列東列也。先言西者上也。

**案**四列。謂如腳臙臙炙四豆為列也。如過此或六或八。

則東偏簋。而西亦不當席矣。言此者。謂東西有定。而南

則可加也。

上大夫庶羞二十。加於下大夫以雉兔鶉鴛。鶉音鶉

音如

**正義**鄭氏康成曰。鴛無母。賈氏公彥曰。爾雅釋鳥云

鴛。鶉母。郭氏曰。鶉也。青州人呼曰鶉母。莊子曰。田鼠化

為鶉。淮南子云。蝦蟇所化。月令曰。田鼠化為鴛。敖氏

繼公曰。東西毋過四列。則是四者為一列於南也。

**案**雉兔鶉鴛之次。當曰魚膾南雉以東兔鶉鴛。

### 右食上大夫禮

若不親食。使大夫各以其爵。朝服。以侑幣致之。

**案**注疏及敖氏說。已見聘禮。

豆實實于簠。陳于楹外。二以並。北陳。簋實實于

筐。陳于楹內。兩楹間。二以並。南陳。簠為送反。注今文並作併。

**禮記**

鄭氏康成曰陳饗筐于楹間者象授受於堂中也

南北相當以食饌同列耳。饗北陳者變於食。

賈疏食時豆設於醬

東。西上。今北陳。故云變。

饗數如豆。

賈疏以菹醢異物不可同饗。八豆則八饗。六豆則六饗。

宋子曰兩楹間不必與楹相當謂堂東西之中耳。放

氏繼公曰豆實在饗。簋實在筐。又皆陳于楹間皆變於

食也。南北異陳示不相統也。饗數如豆。北上。韭菹其東

醢醢。屈筐數如簋。南上。黍其東。稷錯也。

**禮記**

鄭氏康成曰醢芥醬從焉。

賈疏以三牲不殺生列於門內醢經百口乃

不由不殺故有醢。庶羞之醢更無別種。宜同一饗。芥醬亦一饗。

筐米四。

賈疏黍稷各一筐。稻粱又二筐。

**禮記**

下經云庶羞陳于碑內。四醢芥醬。皆庶羞也。胡為從

此而陳于堂上。疏云同一饗尤非也。筐米四。二黍二稷。

如簋之數。物雖同不併。稻粱加未必與黍稷同陳于此。

則在堂下與。又案聘禮歸饗其豆簋簋之實各以其

器陳於戶西而更有鉶。此則實於饗筐。陳于楹內外而

又無鉶。致食禮變於饗也。且無饗則自無鉶矣。又饗有

壺。此禮無壺。則以食不主於酒故也。

庶羞陳于碑內

**正義**敖氏繼公曰庶羞者醢四并魚膾與芥醬也不陳

於上以牲在下宜從之庶羞主於牲肉也上大夫又加

以雉兔鶉鴛此豆實也亦實于簠鄭氏康成曰不陳

於堂辟正饌賈疏庶羞本在堂上正饌之西今在碑內故云辟賈氏公彥曰

不陳於碑南者以其本合在堂今宜近堂故於碑北

**正義**鄭氏康成曰生魚也賈疏魚膾是魚之膾者本與

禽全不魚腊從焉上大夫加鮮魚鮮腊雉兔鶉鴛賈疏

破可知鶉鴛亦主致之

**正義**牛羊豕未殺則腳臙曉鰭哉從宰未具也其餘自當

具之生魚未成羞當已膾矣若加雉兔鶉鴛亦當孰而

實于簠乃為羞也經不言魚腊及加之鮮魚鮮腊或當

如注說從於此與經又不言簠實或亦陳于此以加宜

從加也其陳之之次則皆當北上魚膾其東芥醬南二

醢又南二醢以四醢不得縵也有加則又在其南雉以

東兔兔南鶉鶉西鴛魚腊當鰭西以俎實宜與餼同列

也。魚直四醢西。又西腊。有加則在其南。魚南鮮魚。腊南鮮獸。梁稻則在魚腊之北。梁東而稻西與。又案聘禮之歸饗。陪鼎卽庶羞也。此不陳鼎。故別見庶羞。彼當碑南陳。此陳於碑內者。以碑南當陳庭實故也。

### 庭實陳于碑外。

**鄭氏康成曰。**執乘皮者。不參分庭一在南者。以言歸宜近內。賈氏公彥曰。庭實正法。皆參分庭一在南陳之士昏記。執皮者參分庭一在南。今繼碑而言近

北矣。彼擬與賓向外。故近南。此陳於客館。擬與賓入內。故在內。敖氏繼公曰。不於西方參分庭一在南。又不執之。皆變於食也。

**案**此皮亦麋鹿皮。其陳之亦當左首。

### 牛羊豕陳于門內西方東上。

**正義**鄭氏康成曰。爲其踐污館庭。使近外。敖氏繼公曰。生歸之。亦變於食。陳于門西。餼位也。

**案**聘禮歸饗餼二牢。此一牢者。如食禮之數也。聘禮曰。

陳于門西北面東上。牛以西羊豕。此亦當然。

賓朝服以受。如受饗禮。無儻。

儻本作擯。李氏如圭曰。當作儻。監本已改。

正今從之下。經大夫相食。章同。

**正義**

鄭氏康成曰。朝服。食禮輕也。

賈疏。歸饗時賓皮弁受。

無儻。以

已本宜往。

敖氏繼公曰。親食時朝服。故此致者受者

皆服之。如受饗禮。則侑幣與食亦殊拜之。

賈氏公彥

曰。主君在廟行食禮。有侑幣。賓無儻法。故致食禮。亦不

合有儻。

**云**如受饗禮。則自賓迎大夫于外門外。以至終禮。皆

如之矣。但受饗有儻。而此無儻。故明之。

明日。賓朝服以拜。賜于朝。訝聽命。

**正義**

鄭氏康成曰。賜。亦謂食與侑幣。

右致食禮。

**聘禮**曰。若不親食。使大夫各以其爵。朝服。致之。

以侑幣。如致饗。無儻。其文正與此同。但彼不及其

陳設之儀。故此詳之。

# 大夫相食親戒速

**鄭氏康成**曰。記異於君者也。速。召也。先就告之。歸具。既具。復自召之。  
**敖氏繼公**曰。親戒而又速之者。以其敵也。

**聘禮**。賓既覲。則請有事於大夫。謂問卿也。賓問之。則大夫食之。宜也。故聘記曰。大夫於賓一饗一食。上介若食若饗。則是大聘之賓介。小聘之賓大夫。皆有食之饗之之禮。

# 迎賓于門外拜至皆如饗拜

注古文饗或作鄉

**鄭氏康成**曰。饗。大夫相饗之禮也。今亡。  
**敖氏繼公**曰。迎賓與拜至。亦皆再拜。大夫相饗。蓋亦附於公饗大夫禮中。而并亡之矣。

**迎賓**不著所服。亦朝服也。門外。大門外也。其既入而至于階。亦當大夫升一等而賓從之。大夫相饗拜至。如鄉飲射拜至之禮。經言如饗拜者。猶之上經言設洗如饗之意。皆如其近者也。



降盥。

**正義** 敖氏繼公曰。賓亦從降。主人辭降。賓對。主人乃盥于洗。南面。卒盥。一揖一讓升。經不言。文省也。禮。賓主敵。則不設槃匜。惟盥于洗耳。

受醬。清侑幣束錦也。皆自阼階降。堂受授者升。

一等。賓止也。注今文無束。

**正義** 鄭氏康成曰。皆者。謂受醬受清受幣也。侑用束錦。

大夫文也。降堂。謂止階上。主人三降。賓不從。賈疏以主人降堂不

至地。故賓止不降。 敖氏繼公曰。不受於堂。辟君也。賓止之義。

與聘禮致饗。僨大夫。賓降堂受老束錦。大夫止者同。

**正義** 授公者宰夫也。此授大夫者。其大夫之宰與。公宰又

有授梁之節。此不見者。豈以公食則公親設者。二大夫

辟君。故親設者止於二邪。

**正義** 敖氏繼公曰。降堂升一等。中等相授。異於士也。大

夫之階亦惟三等。於此見之矣。考工記言天子堂崇九

尺。以是差之。則公侯伯七尺。子男五尺。大夫士皆三尺。

也。士冠禮賓受冠降階一等。

敖氏據此推之。以為大夫之階亦三等。似矣。然禮器云。天子之堂九尺。諸侯七尺。大夫五尺。士三尺。則以爵等為隆殺。乃差之正也。殊覺公侯伯七尺。子男五尺之說。矯揉而不近於自然。疑此階五等。大夫降堂。蓋降三等受之。授者升一等。乃是中等相受。所以然者。遠下君禮也。

### 賓執梁與清之西序端。主人辭。賓反之。

鄭氏康成曰。不敢食於尊處。敖氏繼公曰。亦為

主人立于堂。故不敢食於席也。其尊敵。故但辟之於堂上而已。梁不擁。亦降於君。云反之。明不對也。此下當有辭於主人降一等。主人從十字。蓋傳寫脫之。

### 卷加席。主人辭。賓反之。

敖氏繼公曰。卷加席。亦謙也。辭則反之。敵也。

公食禮。賓卷席時。公已退于箱。公不辭。賓卑也。此卷加席而主人辭。則是大夫猶未退矣。意者公食之禮。公



未退則賓不敢遽卽席。大夫食之禮。則賓未卽席。大夫不敢遽退與。

辭幣降一等。主人從。

正義敖氏繼公曰。辭幣而降一等。爲恭也。亦略放公食之禮而爲之。主人從。亦降一等也。從者。辭其降。且不許其辭。鄭氏康成曰。從。辭賓降。

案聘禮。歸饗。僎大夫。大夫不辭幣者。彼銜君命以來。僎之故不辭也。郊勞。僎勞者亦然。此食禮故異。

受侑幣。再拜稽首。主人送幣亦然。

正義敖氏繼公曰。著之者。主人非君。嫌不必稽首。賈氏公彥曰。郊特牲云。大夫之臣不稽首。非尊家臣。以辟君也。又左氏傳。哀十七年。公會齊侯盟於蒙。孟武伯相。齊侯稽首。公拜。齊人怒。武伯曰。非天子。寡君無所稽首。若然。臣於君。乃稽首。平敵相施。當頓首。今稽首者。以食禮相尊敬。雖敵亦稽首也。郝氏敬曰。受公侑幣。再拜稽首。公送幣。再拜不稽首。此再拜稽首。主賓同也。

金定儀禮疏 卷二  
賓受幣亦稽首者。放公食受幣之禮而行之也。大夫送幣亦稽首者。所以異於公之送幣也。此禮以歸饗之。賓大夫者決之。大夫當奉幣西面。賓東面。大夫致幣。賓對。北面當楣再拜稽首。受幣于楹間。南面退。東面俟。大夫再拜稽首送幣。賓降。揖執皮者以出。

辭於主人降一等主人從。

**正義**鄭氏康成曰。辭謂辭其臨已食。敖氏繼公曰。從者亦辭其降。且許之。此謂再入而辭者也。然則初辭亦有此文明矣。又公食禮有賓再入之拜。此經乃不見其異者。則是大夫禮無此拜也。

卒食徹于西序端。

**正義**鄭氏康成曰。亦示親徹。敖氏繼公曰。亦奠於臯者所欲食之處也。

**正義**卑者侍食之禮。曲禮云。徹飯齊以授相者。主人辭之則止。其在敵者。則孔疏以為不徹。此徹于西序端。主人不辭者。曲禮乃尋常食法。此大夫相食。則放公食之禮。

而降殺者也。擯者執梁與滯之西序端。故此亦徹于西序端。徹亦徹其梁醬。

東面再拜降出。

鄭氏康成曰。拜亦拜卒食。敖氏繼公曰。拜不當

階。又不北面。亦變於前。主人亦於阼階上西面答再拜。此拜東面者。亦放公食禮。將出辭公之拜法而行之。但彼階下而此階上耳。故既拜而後言降。

其他皆如公食大夫之禮。

正義敖氏繼公曰。他謂在公食禮中而不見於上者也。然上禮所不見者。亦未可盡與公食禮相通。經云皆如者。大約言之耳。又此不別見所饌者之異。則是俎豆之屬。亦皆如公食矣。蓋大夫此禮。爲公而舉。故其饌放之。而不嫌與之同也。大夫祭其宗廟。惟用少牢。且於其始也。不敢純用朝事之豆。則此食禮之意可見矣。賈氏公彥曰。其他謂豆數俎體陳設。皆不異上陳。但禮異者。謂親戒速。君則不親。迎賓公不出。此大夫出大門。公受

醬消幣不降。此大夫則降。公食大夫。大夫降食于階下。此言西序端。公食卷加席。公不辭。此則辭之。皆是異也。**案**既戒而復速。盥于洗所。而不盥于東堂下。以及辭幣。辭於主人。皆惟降一等。受幣卒食。皆拜于階上。亦其異者也。

### 右大夫相食

若不親食。則公作大夫朝服。以侑幣致之。

**正義**鄭氏康成曰。作使也。大夫有故。君必使其同爵者

為之致禮。列國之賓來。榮辱之事。君臣同。敖氏繼公曰。不言其禮者。與公致食之禮同可知。

**案**篇首所云各以其爵。據賓之爵而言也。此注所云同爵。兼據主人之爵而言也。大夫相食之禮。聘禮曰。於賓一饗一食。上介若食若饗。倘以上大夫而食。大聘之上介。則主人之爵。視介為異等矣。如是而以有故不得親食。則公所作之大夫。必據主人之爵。而亦以上大夫。不然。是尊已而卑介矣。如以卿食卿。而為主人者。既有故。

他卿又或出使無可作者則小卿攝卿爲之與。

賓受于堂無儐。

**正義**鄭氏康成曰與受君禮同。賈氏公彥曰聘禮賓

受致饗幣堂中西北面注云堂中西中央之西此雖無

儐受幣亦與之同。敖氏繼公曰言此者嫌或與君禮

異也賓受大夫餼不於堂故明之賓阼階上北面再拜

稽首受幣于楹間則異於君禮不見者可知也。

**聘記**曰若不親饗則公作大夫致之以酬幣致食以

侑幣此經所言致食之禮也今饗禮亡則致饗之禮亦不可得而推矣。

### 右大夫致食

記不宿戒戒不速

**正義**敖氏繼公曰宿戒者先期日而戒之也此禮當日


乃戒故云不宿戒。鄭氏康成曰戒不宿者食賓之朝

夙興戒之賓則從而來不復召。賈氏公彥曰少牢有

前期一日之宿此無前日事與鄉飲射禮同當日爲之。

鄉飲射禮雖不宿戒然既戒仍有速故其賓之從之也從其速也此禮又不速故其賓之從之也即從其戒也食與饗燕類也饗重於食或當戒速燕輕於食食不戒速則燕可知矣所以然者聘享之正禮既成賓於問鄉之日已請歸矣則饗食燕諸禮相踵為之若一一申之以宿戒則為日必多恐其以久淹為賓病也古者公不留賓而亦無廢事惟其繁簡適宜故也

不授几無阼席



鄭氏康成曰不授几異於醴也無阼席公不坐郝氏敬曰不授几公不親授也無阼席不設主席也

亨于門外東方亨音烹

敖氏繼公曰門外廟門外也門外東方饗饗在焉鄭氏康成曰於門外者大夫之事也賈疏少牢廩饗饗饗皆在門外

亦大夫事東方者主陽

案少牢禮饗饗在門東南北上此亦饗饗惟曰門外東方文略也少牢注曰羊豕魚腊皆有竈其疏曰亦皆有

鑊彼鼎五而鑊四。腸胃與牲同鑊。膚與豕同鑊。然則此七鼎者當五鑊。其或食大聘之卿。九鼎則當七鑊也。

### 右通記食禮諸事

司宮具几。與蒲筵常。緇布純。加萑席尋。方帛純。

皆卷自末。

純諸閏反。又諸允反。萑音丸。注今文。萑皆為莞。音官。敖云宜從今文。

**正義**

鄭氏康成曰。司宮。大宰之屬。掌宮廟者也。丈六尺。

日常。半常曰尋。

賈疏考工記人長八尺。父長尋有四尺。崇於人四尺。車戟常崇於父四尺。以此

推之。知常是丈六尺。尋是八尺。純緣也。萑細葦也。末經所終。有以識之。

賈疏。席無異物為記。但織之自有首尾。

必長筵者。以有左右饌也。

賈疏。正饌在左。

庶羞在右。陳饌雖不在席上。皆於席南。當席左右。其間容人。故謂長筵也。

賈氏公彥曰。大

宰之下有宮人。掌宮中除汙穢之事。即此司宮。彼不言

設几席者。天子具官。別有司几筵。諸侯兼官。故司宮兼

司几筵也。敖氏繼公曰。司几筵職。諸侯祭祀席。蒲筵

績純。加莞席粉純。是蒲筵之上。宜加莞席也。萑乃葦屬。

其為物麤惡。故司几筵。惟於喪事。則用萑席。似不可用

之於此禮。宜從今文作莞。蒲筵而加莞席。美者在上也。

筵常而加席尋。是加席之度。必律於其筵。於此見之矣。  
莞。小蒲也。

**案**燕禮注曰。司宮。天子曰小宰。聽酒人之成要者。與此注不同。據此疏說。則以司宮為大宰之屬是也。直以當天子小宰。則誤矣。當以此注為正。

### 宰夫筵出自東房。

**正義**鄭氏康成曰。筵本在房。賈疏。上司宮具之在房。宰夫敷之也。天子諸侯左右房。敖氏繼公曰。筵亦謂設之也。

**案**燕禮之賓席。司宮筵之。此則司宮具之。而筵以宰夫者。燕以宰夫為獻主。不得筵席。此禮無獻。故宰夫筵之也。又案鄭謂天子諸侯左右房。孔賈以之有大夫士東房西室之說。其實房室之制。自天子至於士一也。但崇卑深淺廣狹之度殊。及四注二注異耳。

### 右記筵席

賓之乘車在大門外西方北面立。

乘繩證反

**正義**鄭氏康成曰。賓車不入門。廣敬也。

賈疏。曲禮。客車不入大門。觀禮。



偏駕不入王門。與此同。

凡賓卽朝。中道而往。

賈疏。內則云。男子由右。女子由左。車從中

夫。將至下行。而後車還立於西方。

賈疏。少儀云。僕於君子。始乘則式。君子下

行。然後還立。是車還立於西方也。

敖氏繼公曰。唯云賓之乘車在此。

則上介以下之車不然矣。車北面立者。俟賓之出宜鄉

之。云立。明其不說駕。

**經**直言賓卽位于大門外。不言乘車所止處。故記人明之。

**通論**

鄭氏康成曰。賓及位而止。北面。卿大夫之位當車

前。賈疏。大行人職。上公立當軹。侯伯立當前。疾。子男立當衡。又云。大國之孤朝位當車前。則卿立與孤同一

節。兼云大夫者。與卿同。凡朝位賓主之間。各以命數爲遠近之節

也。賈疏。大行人職。上公朝位賓主之間九十步。侯伯七十步。子男五十步。注云。朝位。謂大門外。賓下車及王

車出迎所立處。又云。凡諸侯之卿。其禮各下其君二等。以下及大夫士皆如之。若然。如諸侯則依命數。臣下其君二等。則依君命數而降之也。

**注**疏所引大行人文。謂五等諸侯朝天子也。此禮公

迎賓于大門內。則固無車逆之節。然則侯國之孤卿大夫入聘天子。其無車逆之節。不待言矣。彼經所云各下

其君二等者。蓋指他禮而言。不可以通之於此也。

### 右記賓乘車

銅。牛。藿。羊。苦。豕。薇。皆有滑。文苦為芣

**鄭氏康成曰。**芣。菜也。藿。豆葉也。苦。苦茶也。滑。堇苴

之屬。賈疏。士虞記云。銅芣用苦若薇。有滑。夏用葵。冬用苴。注云。苴堇類也。乾則滑。此云之屬者。兼有葵。

**敖氏繼公曰。**內則曰。堇苴。粉榆。兔薹。滌瀝。以滑之。

**郝氏敬曰。**滑。味之滑利者。

### 右記銅芣

之。從俎升。

**鄭氏康成曰。**俎。其所有事。**敖氏繼公曰。**贊者。所

有事於賓者。簋俎。庶羞之祭也。而俎先二者而設。故從

之以升。

**言此者。**著贊者升堂之節也。必盥者。為當取所祭之

物以授賓也。

### 右記贊者升節

盥有蓋。幕。注。幕。今文。或作幕。

**鄭氏**康成曰。稻梁將食。乃設。去會於房。蓋以冪冪。巾也。賈氏公彥曰。簠簋相將。簋有會。明簠亦有會。但簠將食。乃設。故去會於房。蓋以冪。至陳設。冪亦去之。云有蓋冪者。據出房未設而言。敖氏繼公曰。有蓋冪者。變於簠也。

### 右記簠

### 凡炙無醬

**鄭氏**康成曰。已有鹹和。敖氏繼公曰。凡凡

也。庶羞於三牲之炙。皆為設醢。唯魚膾乃用芥醬。是凡炙無醬矣。不言裁者。如炙可知。

### 右記炙

上大夫蒲筵。加萑席。其純皆如下大夫純。萑當從敖

氏作莞

**鄭氏**康成曰。謂三命大夫也。賈疏。注言此者。欲見公侯伯之卿三命。亦

與子男下大夫同。孤為賓。則莞筵粉純。加纁席畫純也。賈疏。司

筵。國賓于牖前。莞筵粉純。加纁席畫純。與此記席不同。故知彼國賓。謂孤也。

筵席及純皆已見上。嫌上大夫筵席或異。故又明之。  
萑席當作莞席。說見上文。

### 右記上大夫筵

卿擯由下。上贊下大夫也。

鄭氏康成曰。由下。不升堂也。上。謂堂上。擯贊者事相近。以佐上下為名。敖氏繼公曰。擯無上事。故不必升堂。上贊即贊者。以其佐賓食於堂上。故云上贊對堂下之擯者而言也。以下大夫為之者。欲其不尊於賓也。

言卿擯者。見上擯必以卿也。擯先見其爵。後見其位。贊則先見其位。後見其爵者。文相變也。贊以下大夫。雖食上大夫猶然。蓋贊必降於擯一等也。

### 右記擯贊者

上大夫庶羞。酒飲漿飲庶羞可也。

鄭氏康成曰。於食庶羞。宰夫又設酒漿。以之食庶羞。庶羞也。以優賓。敖氏繼公曰。此記難強解。

拜食與侑幣。皆再拜稽首。

**正義**鄭氏康成曰嫌上大夫不稽首。敖氏繼公日記

此於上大夫之後恐或是為彼言之然亦長語矣。

**案**此記蓋為不親食之拜賜者而發故次於篇末蓋親食拜賜之皆再拜稽首也。經文已明至不親食之拜賜。經惟曰拜賜於朝而已。記者嫌於其禮之或有殺於親食也。故特言此以明之。

右記上大夫法儀

欽定儀禮義疏卷第二十一

